

وكانني عارفاه الشاعرة / زينب مصطفى

وكانني عارفاه

شعر
زينب مصطفى

وكأني عارفاه الشاعرة/ زينب مصطفى

اسم الكتاب: وكأني عارفاه

إسم المؤلف: زينب مصطفى

الناشر: دار الحسيني للطباعة والنشر والتوزيع

رقم الإيداع: ٧٥٨١/٢٠٢٠

الترقيم الدولي: ٨-٣٩-٦٧٩١-٩٧٧-٩٧٨



وكناني عارفاه الشاعرة/ زينب مصطفى

الإهداء

إلى روح فارقت الدنيا ولم تفارق قلبي وكياني تملكنتني وتملكت
مشاعري وخاطري

إلى روح إبني وحيدي اللهم تغمدة بواسع رحمتك
وتحية إحترام وتقدير إلى الشاعر الكبير لأمير وفارس شعر
العامة

الاستاذ / محمد المخزنجي .

الشاعرة زينب مصطفى

المقدمة

أما قبل
وكائى عارفاه للشاعرة / زينب مصطفى ديوان استهلته
بقصيدة / الحب دوا للأحباب
فية بعض من فيوضات المشاعر الإنسانية النبيلة.
بأسلوب سهل ومعبر يصل إلى قلب وعقل ووجدان
المتلقي دون عناء مين اللي قال الحب عذاب / الحب دوا
للأحباب / بيخلى الدنيا غير الدنيا / بتشوف حبيبك حاجة
ثانية / على بعدة ما تقدر ولا ثانية .
ان الشاعرة تخاطب الجميع فى قصيدتها بدعوة راقية
للحب الذى هو سر الحياة ومتعتها والذى بدونة ترى
العيون القبح قبل الجمال.
عزيزي القارئ هذا هو الاصدار الاول للشاعرة مع
خالص الأمنيات بالتوفيق والنجاح ودوام العطاء

الشاعر

محمد المخزنجى

عضو اتحاد كتاب مصر

وكأني عارفاه الشاعرة / زينب مصطفى

وكأني عارفاه

الحب دوا للأحباب

مين اللي قال الحب عذاب

الحب دوا للأحباب

بيخلى الدنيا غير الدنيا

بتشوف حبيبك حاجة ثانية

ما تقدر علي بعده ولا ثانية

لو حبيبك خطر علي البال

وتفتكر كلام في الحب اتقال

تتغير معاك كل الأحوال

وتقول أفوته دا شيء محال

وتهيم معاه في دنيا الخيال

لافيه حسود

ولا عزال الايد في الايد

والدنيا ولا علي البال

وكانني عارفاه الشاعرة/ زينب مصطفى

والعين في العين
نظرة رضا ووصال
علي شط النيل
نسمع الأغاني والموال
ونسبح سومه أنت
عمري مفيش جدال

الفيس

الفيس الناس بقوا بيه مهاويس

تفتحه كالك فتحت الهاويس

فيه اللي غاوي شعر

واللي غاوي احاديث

واللي كلامه عسل

واللي كلامه صيص

واللي في اخلاقه جينتل

تقولش متربي في باريس

واللي يقول انا اسمي تامر

وهو في الحقيقة عويس

واللي يقول ما دخلتش

دنيا وابنه اسم الله عريس

واللي مش عاجبه

حال البلد واللي
يقول عاش الرئيس
وصفحات لو مريت
عليها لازم بالله تستغيث
والصفحات اياها
بتاعة اللحم الرخيص
واللي عامل نفسه ست
فاكر انه كدا هيهيص
واللي يكتب اشعر بالحزن
وبقي خلاص من المتاعيس
واللي بينصب علي الناس
عايز نطلبه البوليس
وصفحات الرذيلة
اصدقاء ابليس

وكأني عارفاه الشاعرة/ زينب مصطفى

واللي عامل الفيس
صفحات وكراريس
واللي يعملك بلوك
ويبقي بينك وبينه متاريس
واللي تدخل معاه في
حوار تلاقي نفسك
في حيص بيص واللي
صاحبة من نومها
كأنها واخده في
وشها قصرية اصيص
تقول صباحكم انا
انا كلي مشاعر واحاسيس
واللي محتاج في الاملاء
درس واعادة تأسيس

وكانني عارفاه الشاعرة / زينب مصطفى

ياللي بتتصفح الفيس
ياريت تكون في كلامك
وافعالك حريص تحافظ
علي شعور الناس
تكون انسان اخلاق وحسييس

الإرهاب

الارهاب الاسود

بسواد ايامه

علي ايدك يا مصر

هيكون اعدامه

اللي بكى العين

وكسر قلب اليتامي

من جار عليكي يا غالية

ما يجني غير الندامة

عشتي يا مصر

مرفوعة الهامة

عشتي برجالك دايمًا

في بطولة وشهامة

عشتي بأزهرك بعلمائك

وكانني عارفاه الشاعرة/ زينب مصطفى

اصحاب العمامة

عشتي يا غصن

زيتون بمنقار حمامة

عشتي للسلام رمز وعلامة

عشتي للخلود عشتي للكرامة

عشتي مسلم ومسيحي

شعب واحد ليوم القيامة

قدس فلسطين

يا ترامب مين سمح لك
مين تهود قدس فلسطين
بداري تزوير انتخاباتك
ورجوعك في القسم اليمين
بتعيد وعد بلفور
للصهاينة المجرمين
القدس قدس
فلسطين لأبد الأبد
يا اقصي يا نور العين
واولي القبلتين
وتالت الحرمين
آن الاوان يا عرب
تبقوا متوحدين

لازم تعيدوا مجدكم
وعهد صلاح الدين
كفاية فرقة والم
كفاية حروب وانين
ان هانت عليكم القدس
الدور اللي جاي علي مين؟
يا خير امة اخرجت
شرفها رب العالمين
وطني العربي يا غالي
مسلمين ومسيحيين
لملموا جراحكم اتوحدوا
وخلوا راياتكم مرفوعين
قوتكم في جمعكم
وباذن الله منصورين

وكأني عارفاه الشاعرة / زينب مصطفى

ازاي تروح قدسنا

ونبقي للأقصى متشوقين

ويحن القلب لها

وتبكي عليها العين

ثورة القدس

اجمعي كل ثائر

فعلي كل ظالم

حقا تدور الدوائر

حبيبي يا أعز مالي

حبيبي يا أعز مالي
كفاية غربة يا غالي
تعال ودق بابي شوف
في بعدك ايه جرالي
اتغيرت أحوالي
حبايبي بقوا عزالي
صورتك دايمًا في بالي
صورة لنا من زمان
أيام صفانا وودنا
نادت علي الذكريات
رد عليها قلبي أنا
حن للسعادة معاك
حن وياك للهنا

وكأني عارفاه الشاعرة/ زينب مصطفى

ياريت دامت ليالينا
يا حبيبي ياكل المنى
أجمل سنين
عمرنا ليه تضيع
مننا واحنا بعيد
عن بعضنا ولا البعاد
زاد الأسية وهجرنا
وما عاد يفرق معاك
أيام هنانا وحبنا
لا تلوم حبيبي
علي عتابي
دا الصبر اشتكي مننا

الفجر والليل

الفجر قال لليل

عدي بقي وروح

رد عليه الليل أنا سجدة

عابد لربه قلبه بات مشروح

ودمعه عين وأهه من

ظلم الناس تبكي وتنوح

ووجع قلب من هجر

الأحبة بات مجروح

ونفس تتألم وقلب كتم

هواه وترك الدمع

يشكي ويبوح

لا حبيبه داري بيه

ولا نابه غير الجروح

يتمني رضا الحبيب
وترك باب قلبه له مفتوح
رد عليه الفجر أنا
أمل جديد ظهر ولاح
أنا طريق السعادة
ونور الصباح
أنا السعي لرزق ربك
وتغريد الطير صдах
أنا والعزيمه تطيب
بيننا كل الجراح
أنا السعادة لقلوب
تعبت من كثر النواح
أنا قلب مؤمن برضا ربه
هدي وارتاح انا سورة بالقران

وكانني عارفاه الشاعرة / زينب مصطفى

قسم ربي العليم الفتاح
أنا فجر لأمه من كبوتها
تنهض وترتاح أنا بداية
لبكرة أنا العاشق المداح

طريق الأمل

ارسم طريق
للأمل جواك
واتوكل يابن
ادم علي مولاك
وأؤكد ان في شيء
جميل بيستناك
واللي خلقتك
مستحيل ينساك
ثقتك بنفسك عزيزتك
دول أكبر سلاح وياك
لو الظروف الصعبة
والدنيا بتتحداك
أوعي صديق السوء

وكناني عارفاه الشاعرة/ زينب مصطفى

يبيعك للهلاك
أو حد يوهمك انه
بفلوسه اشتراك
فكر وجدد وابتكر
وأعلا بمستواك
يابن الطبيعة الجميلة
خلي الأمل دائما
يسطع في سماك
وكل ما تعلا لفوق
بالعلم تنور دنياك
واللي بييجني الورد
لازم تجرحه الاشواك
وقول يارب اشرح
بالإيمان صدري ولا تحرمني

وكأني عارفاه الشاعرة / زينب مصطفى

عطايك انت الواحد الأحد

ليس لنا رب سواك

يا اللي جرحتوا قلبنا

يالي جرحتوا قلبنا
وهان عليكم ودنا
وخاب فيكم ظننا
خسارة فيكم حبنا
قول مهما تقول
ماعاد يآثر فينا
كلامك المعسول ياريت
يالالا تفارق ويكون
فراق علي طول
كنت فاكرك حبيبي
لقيتك أنت العزول
أنا كنت عايش في حالي
جيت أنت شغلت بالي

وكأني عارفاه الشاعرة / زينب مصطفى

ما عرفتش ايه جralي

كلمتك بصفو نيه

أتاري حبك تمثيله

وطبعك غدر واذية

محال اعرفك محال

دا أنت عار الرجال

والله ما كان العشم

والله ما كان العشم
يا اللي هجرتونا
أساكم علينا حد
ولا انتوه اللي بعثونا
الشهد من ايديكم ياما
سأيتونا تروحوا أوام كده
ولا تودعونا لو كنا غالين
عليكم كنتوا عاتبتونا
يمكن ظروفنا ياناس
ولا ظلمتونا في هواكم
زمان ياما الكل لامونا
يزيد حبكم في قلوبنا
ولا قدروا يغيرونا

وكأني عارفاه الشاعرة/ زينب مصطفى

ياحبايب أراضيك
فين ياريت تدلونا
وتعود ليالي زمان
ولاحضانكم تضمونا

قلبي بيلبي معاكم

قلبي بيلبي معاكم
يارتني كنت وياكم
وأطوف بالكعبة ياهناكم
الصفاء والمرورة مسعاكم
وعلي عرفات تقبل دعواكم
وبالمزدلفه تجمعوا حصاياكم
وبمني رمي الجمار
والملايكة محوطاكم
في مكة ذبح الأضاحي
تقربا لمولاكم
وللمدينة متوجهين
لزيرة قبر شفيعنا
المشفع نبينا الزين

وكأني عارفاه الشاعرة / زينب مصطفى

تصلوا بالروضة الشريفة
ركعتين وتنزل دموع العين
الله عليكم الله يأسعه
من نال رضا مولاه
وعاد مولود جديد للحياة
ارزقنا الحج يا الله
تبارك اسمك في علاه

رسول الله

صلي وسلم علي الحبيب
اللي بذكره النفس تطيب
ان كنت بعيد او قريب
صلي علي طه الحبيب
صاحب الخلق العظيم
وصي علي الجار واليتيم
وما زال بالأمّة رحيم
رسول ربي العليم
سيدي يارسول
الله يابلسم لكل آاه
أنت طيب قلبي ودواه
أنت العز انت الجاه

وكأني عارفاه الشاعرة/ زينب مصطفى

ضلت الدنيا لولاه
يا رحمة الله المهداه
سير يا مؤمن علي
خطاه تبلغ طريق النجاه
سيد الرسل الكرام
رسول لكل الأنام
شفيعنا يوم الزحام
الفين صلاة والفين سلام

ليه لوحذك تاخذ القرار؟

أجمل ايام عمري
قضيتها معاه
والسعادة ما عرفت
قلبي غير وأنا وياه
تسألني بتحبيه
أقولك دا هو الحياه
الحب كلمة جميلة
وحبيبي معناه

عمري اللي عدي عدي
أزاي وأنا مش وياه
واللي هنا الروح
والعين ايه الا هواه

وبالصدفة مش أكثر
شوفت صورتها معاه
وفكره شارد وياها
وانا مش لقياه
ولمحت في عينه دمعاه
قلبي وروحي فداه
ولما سألتها عنها
قال دي قسمتي
زوجتي بشرع الله
هي الماضي اللي عدي
وزرع في القلب الاااه
وانا العبد اللي
بيكي نال رضا مولاه
ألومك يا قلبي

والا ألوم الحرمان
و الا ألوم ضعفى
ما هو أنا إنسان
أبنى سعادتى على تعاستها
و إزاي حبيبي تنسى
إنك في يوم حبتها
و كنت كل دنيته
كنت صارحنى من الأول
و أنا كنت عنك أتحول
ليه لوحدك تاخذ القرار
كنت سيبلى حرية الاختيار

مش قادرة أنساك

فكرت كثير

حبيبي أنساك

خدت طيفك معايا

ونسيت روحي وياك

إن هان عليك

هو يا قوللي

أعمل إيه في هواك

يا وحشني و أنا بين

إيديك يا شاغلني و أنا

عيني في عينيك

بتفوت السنين عليا

مانساش حبيبي وعينيا

يا نعمة من ربي

كلمة أحبك شويا
يا سنين العمر اللي
راحت و أيامى اللي جاية
القلب والعين أقدمهم هدية
يا دقة قلبى
وعطر أنفاسى
يا حبيب الروح
وتاج علي راسى
يا كل الحبايب
وأهلي و ناسى
الورد مال إليك
خد منك عبيره
و النجمة وشوشت ضيها
قال أنا ضلة و أسيره

وكأني عارفاه الشاعرة/ زينب مصطفى

الصبح شاف خطوتك
فتحت وروده و أزاهيره
يافرحة الكون يا عمرى
حبك مفيش غيره

أمي

أمي يا نبع الخير والحنان

يا جنة الرحمن

يا صحبة ورد وريحان

في حضنك

يا أمي بحس بالأمان

مهما بعدنا الزمان

وخذك مني الحرمان

انتي في قلبي

يا قلبي وعيني كمان

لسه صوتك بينادينى

لسه لحنائك عطشان

بدعي لك بالرحمة يا

غالية في كل وقت و أوان

وكأني عارفاه الشاعرة / زينب مصطفى

من غيرك يا أمي
في وحدتي حيران
آه لو يعود
زمانا اللي كان
ولمة الحبايب
الأهل و الخلان
في حنيتك مالاقيت
يا أجمل انسان
يرحمك ربي برحمته
الحنان المنان

علشان غلاوة ناس

علشان غلاوة ناس
بنتحمل غلاسة ناس
في ناس في حياتنا
زي قمر و ناس
تطيب بيها الجراح
وتتشال فوق الراس
ناس من طيبة قلبها
من ايديها تتباس
يخافوا عليك كأنهم حراس
و ناس في قلة أصلها
زي بيت من غير أساس
مقامها في الأرض
وبأفعالها تنداس

تضل في الخلايق
زي شيطان خناس
تكرهنا في عيشتنا
و تركبنا الوسواس
ناس ملهاس أمان
ناس فاقدة الإحساس
اختار اللي معدنه أصيل
مش أي صاحب و خلاص
وأبعد عن الحقوق
اللي لرزقك بصاص
يتمنى زوال نعمتك
وتبقى أفقر الناس
الناس معادن وأفعالهم
تنبهك زي الأجراس

وكانني عارفاه الشاعرة / زينب مصطفى

كلهم من صنع الرحمن
اختار أقربهم لرب الناس

وقت العصارى

وقت العصارى فات
الحبيب علي باب دارى
خلالى ليلي بقي نهارى
أنا شفته من يومين
حبيته إزاي وفين
قوللي يا قلبى
ردى يا عينى
واخذنى له الحنين
وڪائي عارفاه من سنين
هو بيشاور لي ولا لمين؟
لحبه اللي كان
حبيته من زمان
انا حبيته وڪان اللي كان

وعلي حبه أنا مش ندمان

وهو لا هو داري

بيا ولا بالحرمان

ما شفشي لهفة قلبي

ولا فرحة عيني كمان

باع هوانا و اشتري اللي

باعوه و قلبه عليهم هان

من لوعة الفراق آآآآهين

آه علي الحنين ودمع

يجري علي الخدين

وآه تقول و الله مشتاقين

اقول يا قلبي اصبر علي

المكتوب يقول

الصبر أجيبه منين
سيبك يا قلبي منه
بلاش ذل وهوان
عشنا في هواه يومين
وافترقنا قبل الأوان
لا سمعنا كلمة حلوة
ولا شفنا عطف وحنان
خليك بعيد يا قلبي
خليك بمشاعرك إنسان

الشمس رخت شعورها

الشمس رخت شعورها

الذهب تداعب نهر النيل

ميته ضحكت هواه

بقي يشفى القلب العليل

فايت أسمرانى

حليوة يغنى المواويل

قال يا بنت بلدى يا

غالية يا أم الطبع جميل

قلبى عشق هواكى

قلت له إيه الدليل

قال العمر يكفى

علشان قلبك يميل

قلت يا قلبى اصبر علي

المكتوب خليك طويل البال

مش أى كلام يتسمع

ولا أى كلام يتقال

رد الأسمرانى و قال

زمان قالوا في الأمثال

أصلك معدنك يبان من

الأفعال لا تأمن الخسيس

ولا تصاحب العيال

ولا اللي قلة أصله

خلته من الأندال

اختار حبيب في

الشدة تلقاه من الرجال

دا كنز المحبة عمره

ما يتأقل بمال
وانتي اللي في القلب
ودايما علي البال
يا غالية انتي يا زينب
يا نعمة في الموال
عمرى ما فتك أبدا
دا شيء أكيد محال
بس اسألي قلبك
تلقي جواب السؤال

البادى أظلم

البادى أظلم يا
قلبي شكوتك لله
مشيت طريق غربتك
ما وصلت لمنتهاه
قالو الصبر طيب
قلت أنا شرياه
في قلب دواه الأطبا
وقلب حبيبه دواه
و قلب من هجر الأحبة

فضلت الآه جواه
و أنت يا قلبي فين
حبيبك فين ألقاه؟

نسيتك من زمان وياه

كل دقة في قلبه

هي لقلبي حياة

انت قلبي أنا

إيه سكنك جواه

مش أد حبه يا قلبي

ولا إحنا اد هواه

قربك حبيبي كفاية

دا كل اللي بتمناه

النخل في العلالى

النخل في العلالى
طرح بلح أمهات
قلت يا حبيبى
اجمعلي منه و هات
لمس البلح إيده
خلاه يا ناس شربات
افرح بقربه يا قلبى
وسيبك من اللى فات
وضمه اليك و قول
يا حبيبى سلامات
وانسى معاه الآه دا
هو الحاضر واللى فات
حبيب قلبى يا عمرى

وكانني عارفاه الشاعرة / زينب مصطفى

يا أجمل الذكريات

نسيت معاك الأسية

نسيت بيك الآهات

أغير عليك أنا

من نظرة الجميلات

يا شهد مكرر يا

سكر يا أصل الحلويات

يا نسمة الفجرية يا

أرق من الهمسات

الصبحية

الصبحية ساعاتها هنية
فتح و صحن الكون حواليا
الطير صداد الكون له براح
يسعى ورزقه علي الفتاح
الزهر مايل علي غصنه
هزه النسيم و رقص به
الشمس قامت فتحت
علي الخلايق صبحت
بصت للدنيا و خلقتها
عروسة ليلة حنتها
فتاح يا عليم رزاق يا كريم
يارب يا هادي اجعل
يومنا قل و نادى
علي كل مصر بلادى

مصر أمنا

يا لابسـة توب الصبر
من غزل مواويلك
إن غربتني الليالى
قلبي يناديك
يا نسمة العصارى
علي شط نهر نيلك
شعب وجيش وشرطة
دول ضي أناديك
قرآن وترانيم وحب
قلوب بتدعيك
شباب وعلم ومعرفة
يمحو ظلام ليلك
مصر يا جميلة

وكأني عارفاه الشاعرة / زينب مصطفى

يا غالية يا أصيلة
يا أم القلب الصافي
وحضنك الدافي
إن يوم تاهت خطوتي
يبقي الأمل مجدافي
لا ركعتي لغير الله
ولا عمرك يوم تخافى
ليل يا عين يا ليل
مصر يا محروسة
علي خذك يا أمنا
مائة مليون بوسة
يا جمال شوارعها
وزفة العروسة
يا كيزان العسل

وكانني عارفاه الشاعرة/ زينب مصطفى

وحلويات وبسبوسة
يا خفة ظلها و جمال أهلها
فين تلاقي زيها إن
كنت صحيح بتحبها
لازم تصون أرضها هي
شرفها و عرضها رب
الكون بقرآنه خلد ذكرها
ادخلوها بسلام آمين
مين في الدنيا قدها

وكأني عارفاه من زمان

و كأني عارفاه من زمان

كل اللي عدى قبل

منه كأنه ما كان

ضحكت الدنيا بعيونى

حسيت بالأمان

بقي هو قلبى وحبى

عمره في يوم ما هان

أحلفاك يا قلبى مهما

جري ومهما كان

حيفضل حبيبك أغلى

من الروح والعين كمان

حبيبك اللي يريدك

خليه في قلبك

مش في إيدك
ونن عينيك ووريدك
وأنفاسك وتنهيدك
وكلمة حب صافية
تبقى رسايلك وبريدك
بتحبها
بتحبها و شغلت بالك
وعشاتها اتغير حالك
وبقيت أنا من عزالك
حببت هجرك و لا دلالك
كلمة أحبك مش ايلالك
قلنا زمان بنحبهم
حبوا يا قلبي علينا
كان حبهم أغلي

وكأني عارفاه الشاعرة / زينب مصطفى

من ضي عني
في بعادهم يعوض
الله علينا والحيرة
تخدنا وتودينا
هان عليكم حب السنين
خسارة فيكم دمع العين
دارى يا قلبى
وبيع اللي باعونا
الناس علي حبهم لامونا
كانوا أغلى الحبايب
اتارى غدرهم غلاب
سقونا كاس العذاب
ناس إحنا اللي
عملنا ليهم قيمة

وكانني عارفاه الشاعرة / زينب مصطفى

ناس الوفا في طبعهم جريمة

ناس البعد عنهم غنيمة

صابرين

في ناس تسرق فرحتك
صعبان عليهم ضحكك
يتمنوا يشوفوا الدنيا
في يوم هدتك
ووجع و ألم ونظرة
تشكى كسرتك
ناس الحقد بقلوبهم والعين
كنا فيهم مخدوعين
بتفكر بكمرارة السنين
وعلي أد ما احنا مجروحين
وكتمنا الآه ودموع العين
وكتافنا للهموم شايلين
وعلي أد ما يخذنا الحنين

ونبقي للفرحة متشوقين

لا كنا في يوم غدارين

وعلي بختنا محسودين

صبرنا علي لوم اللايمين

اللي كانت غلاوتهم

زمان يمين

اللي وجعوا قلوبنا

وكنا من الصابرين

ربك بالمنكسرين

جابر ولو بعد حين

ليالي رمضان

رمضان جانا غني

يا طلب و قول

جهزنا السحور

زبادي وجبنه وفول

نونا الصيام يا

رب اجعله مقبول

ارينا القران وصلينا

علي طه الرسول

يتعاد بالخير

علينا من تاني

انا وأهلي

وأصحابي وجيرانى

وكانني عارفاه الشاعرة / زينب مصطفى

رمضان كريم
بتهز قلبي وكياني
يا لمة الحبايب
يا منورة بخلاني
تلاتين يوم هلوا
بالبركة علينا
ذكر وتساييح
وصلاة تراويح
وقرآن نور
قلوبنا وعيننا
زينة وفوانيس
وكانه عريس
والدنيا نور حوالينا
صدقة وزكاة

من فضل الله
واتمدت بالخير إيدينا
عبد تاه يناجى مولاه
وجنة افتحت لنا
صلاة وصيام
وعفو الرحمن
لرضاك يارب اهدينا
وخلصة القول
وبالصلاة علي الرسول
علي الصراط تعدينا
وعلي باب جنتك
يا كريم الحبيب ينادينا

جربت تنزل دمعك

جربت مرة تنزل
من عينيك دمعك
وتفتكر ذكرى جميلة
أو ذكرى في يوم هدتك
وحبايب راحو بعيد
وتركوك لوحدتك
وانت بتعاني علشان
تكتم صرختك
وتعتب علي ناس
استغلو حنيتك
وهانت عليهم عشرتك
وتقول يا لسانى
أعمل إيه في زلتك

ليه تفضفض مع ناس

ما تستهلش محبتك

تبقي في وسط الحبايب

وأنت حاسس بغربتك

وانت اللي الصعاب

مهما كانت ما هزمتك

خليك أد التحدى

واثبت لنفسك قوتك

وقول يارب الكون

هو سندك في شدتك

سبحانه كريم

قادر يفرج كربتك

بسم الله

بسم الله ابدأ
بها أعمالك
سبح وكبر ورطب
بالذكر لسانك
يزول همك
والدنيا تهنا لك
شهادة التوحيد تتقل
في الاخرة ميزانك
وبالقران حصن
دايما عيالك
لا حول ولا
قوة الا بالله
كنز من

وكأني عارفاه الشاعرة / زينب مصطفى

الرحمن علشانك

وصلى على نبينا

فى صحتك وقيامك

دى الصلاة على الرسول

تبارك رزقك وأموالك

خليك مع الله

تتحسن كل احوالك

خلاص هونت عليك

خلاص هونت

عليك خلاص

حبيبي ايدى

فارقت ايديك

وأنا كلى يا عمرى

مشتاقة ليك

حبك حنانك مشتاقة

نظره من عينيك

أمانه عليك

يا آلم أرحم مواجعنا

رحلوا الحبايب عننا

ولا جفت مدامعنا

اللى كان اسمهم

وكأني عارفاه الشاعرة/ زينب مصطفى

يفرح مسامعنا

نادى علينا الامل

راجع يبايعنا

قلت حبيبي تعالا

نور لنا شموعنا

سمعت صوت بيناديني

يا حبيبتي فين الاقيكى

فردت قلبى شراع

لبرى يعديكى

ردت حبيبى تعالا

آياك تنسانى

لا قبلك حبيب

فى دنيتى ولا بعدك

حبيب تانى

لما أقرب ناس ليك يطعنوك

لما أقرب ناس
ليك يطعنوك
لما قلبك يبكي
وتخاف يسمعوك
لما تكتم الاله جواك
وهم بيجرحوك
لما يكون عتابهم
الم وبكلامهم يوجعوك
حبونا يا قلبى لجل
ما يبكوا عنينا
لاهان جبههم ولا
هم هانوا علينا
باعوا هوانا

واحنا اللى اشترينا
يا ريت ما هويننا ولا
رحنا يا قلبى ولا جينا
ولا أتجرح قلبنا ولا
من الهجر اشتكيننا
لا بعادنا فارق معاهم
ودا نصيبنا وياهم
مش هم اللى بتمناهم
ولا عاد قلبى يهواهم

ماشى ڪڍا

ماشى ڪڍا

ونافش ريشوا

ومجمع حواليه الاضيئوا

فتوه ومعاه حرافيشه

هو الولي ودول دراويشوا

من دم الناس

يهبشوا ويعيشوا

رايح جاي

زي المكوك

وڪاڻ الشارح

ملك ابوك

علي ايه يا

حيلة بيحيوك

وكانني عارفاه الشاعرة / زينب مصطفى

باقي علي

كتافهم يحملوك

زي الخائلة الكدابة

يا خيبة الامل

زي ام العروسة قال

ايه مشغول في العمل

غاوي حكاوي

وفي عيشتك خلل

كلامك كذب

وتخبيط في الحلل

يا زير النساء

يا مصنع قلل

روح منك لله موش

ناقصين علل

بياع كلام

بياع كلام

وكلامه رخيص

استاذ في

التنش والتهيش

فنجري بوق

منه مغيث

يلت ويعجن

غاوي تدليس

مطباتي ومنافق وخسيس

أهبل ومسكوه تار

والله وجودك بينا عار

شعللها يالا ولعها نار

وكانني عارفاه الشاعرة / زينب مصطفى

لامتي هتفضل

من الصغار

كذاب الزفه

منك بوريه

في اي مصيبة

لازم تلاقيه

راكب الموجة

فين ما توديه

علي بر هواه بتعديه

بكره الندم يبكي عينيه

ولا حد يترحم عليه

ناس خفافيش

في ناس في حياتنا

زي الخفافيش

ناس علي دمها

ما تختشيش

منفوخه ع الفاضي

وكله اونطه وتهويش

تدوس ع الكل لجل

ما تكوش وتعيش

فاردين اولوعهم

ونازله سرقة وتهبيش

عايزاك تطاطي وتعيش

عيشة الحرافيش

العين بجحة وقوية
ويقول ما يهمنيش
وابنك يا مصر يموت
في سينا والعريش
ولا في كمين
او في نقطة تفتيش
اصرخي يا حره وقولي
حرامي وخاين ما يلزمني
دا بكره جاي كله امل
وعشان عنه ما توهيش
خطي الصعب دي عزيمة
شعبك ابدأ ما تنتهيش
عاشت مصر ومصر
فوق الكل لازم تعيش

على ايه ناويلي

قولي علي ايه ناويلي

يا اغلي من ضي عيني

دوبني شوقي وحنيني

ياكل عمري وسنيني

الفكر شارد معاك

يتمني في يوم لقياك

ولا يرضا حبيب سواك

انت يا قلبي انا اهوأك

ولامتني هفضل اترجأك

والقلب والروح وياك

انت حبيبي يا انا

يا هنايا يا كل المنا

شايلاك في قلبي هنا

وكانني عارفاه الشاعرة/ زينب مصطفى

مين في الحبايب زينا

يا اسم غالي عندنا

عطر حياتنا وحبنا

تهون الدنيا بقربنا

ولا نفترق عن بعضنا

صورة حبيبي

لما تلاقي صورة حبيبك

جوا قلبك متمددة

وتبقي نبضه وعلي

مشاعرك مشيده

ونظره عينيه

لعينيك متحدده

وكلمة حبيبي

لك بنبره واعده

وتشوف الدنيا بقربه

كل يوم متجددة

وازهارها علي

الحبايب معايده

واحلامك

فوق السحاب مغرده
وتلاقي روحك
بحبل الوداد متقيدة
ولهيب مشاعرك يدوب
كل همسة متجمده
وتعزف الالحان وانت
حبيبي نغمة حب متفرده
يالي بتوحشني
وانا وياك
رسيني علي
بر هواك
ما تقولي
اخرتها معاك
عمر القلب

وكأني عارفاه الشاعرة/ زينب مصطفى

ما يوم ينساك
احلفك وانت ياميني
والفكر ياخذني ويوديني
بعادك والله علي عيني

يا ورد صبح

يا ورد صبح علي
الحبايب وقول لهم
قلبي اللي دايب
يتمني دايمًا وصلهم
كنت فين غايب
من زمان
يا نعمة من ربي
يا بر الامان
شايفة بعيونك دنيتي
ولقربك انا عطشان
ارتوي من نهر حبك
وقول زيد كمان
يا بلسم جروحي

يا نبع الحنان
يا نجم عالي
في السما
تنور ليلي الحيران
اخاف من بعادك حبيبي
اخاف من الهجران
بتفوت الايام
وقلبي يشتااق للحبايب
يالي ساكنين الروح
في هواكم انا دايب
عمر طيفكم ما كان
عن الفكر غايب
ياريت يكون لقلبي
في قلبكم نايب

سكينة القلب

عايز قلبك مطمئن في ساكينا

صلي وسلم علي نبينا

وقول يارب لنوره اهدينا

برضاك يارب علينا

وبحق جاه المصطفى

فرح بزيارته عنينا

رفعنا بالدعاء ايدينا

يا كريم اغفر لنا

وشفع فينا الحبيب

احنا علي التوبه نوينا

ويوم الموقف العظيم

من كوثره يسقينا

سيدنا النبي طب

القلوب ودواها

صان الامانة

ووفاء العهود ورعاها

هل علي الدنيا بدل

جهلها واحياها

يا سيد الثقلين فداك

روحي ومالي سواها

عطرك فاح يا عطر

الزهور وشذاها

الجنة في ارضنا

بمقامك روضاها

صلي عليك الله

حبيب قلبي يا طه

ڪنت فاکره

ڪنت فاکره

نسيته خلاص

أتاريه عمري

واغلي الناس

يا نبض قلبي

وأجمل احساس

حبيب عيني

يا قمر واناس

من يوم ما

قلت بحبه

ما عرفشي

ايه جوالي

دا حبه جوا قلبي

عن كل

عين مداري

هفضل كدا احبه

وهو ولا داري

لا مش هنسا

حبك حبيبي

ولا هنسا

لوعتي وتعذيبي

يا فراق الحبايب

بتزيد لهيبي

اول ما شوقه ناداني

جاوبه قلبي وكياني

ولقيت الفرحة وخداني

ونسيت معاه احزاني

يا ساكن

قلبي ووجداني

هو اللي

فراقه بكاني

وهو اللي

حبه احياني

امتي اشوفك حبيبي

امتي الوقا

من تاني

خبيني جوا قلبك

خبيني جوا قلبك
وأقفل عليا بابيه
وقولي يا حبيبتي
يا عز أحبابه أنتي
ايامي اللي جاية
وفرحته وشبابه
ااه من بعادك حبيبتي
وااه من عذابه
سكني بعيونك
أشوف الدنيا بيهم
وأعشق هواك
وأسهر جمال لياليهم
يا عيون حبيبى

بعيونى أنا أفديهم
غيرلى لون دنيتى
نسينى الحزن بيهم
حبيبى يا عمرى
أنا فى بحورك غريقة
الساعات وياك
تمر عليا فى دقيقة
بتخطفنى لدنيتك
همساتك الرقيقة
بحبك يا أجمل حقيقة

داوينى بحبك

تشهد عليا الليالى
بعادك كان فوق إحتمالى
يا حلم عمرى يا غالى
يا نجم فوق
فوق في العلالى
داوينى بحبك داوينى
يا حبيبي يا ضى عيني
نسينى همى و أنينى
حليلى مر سنينى
نادينى جنبك تلاقينى
من نبع حنانك أروينى
هنينى بقربك هنينى
و حياة حبك ما تبكينى

وكانني عارفاه الشاعرة / زينب مصطفى

يا شمس شمس دفينى

وعن كل العالم خبينى

وكأني عارفاه الشاعرة / زينب مصطفى

الفهرس

٣	المقدمة
٣	الاهداء
٦	الحب دوا للأحباب
٨	الفيس
١٢	الارهاب
١٤	قدس فلسطين
١٧	حبيبي يا اعز مالي
١٩	الفجر والليل
٢٢	طريق الأمل
٢٥	يا اللي جرحتوا قلبننا
٢٧	والله ما كان العشم
٢٩	قلبي بيلبي معاكم
٣١	رسول الله
٣٣	ليه لوحدك تاخذ القرار؟
٣٦	مش قادرة أنساك
٣٩	أمي
٤١	علشان غلاوة ناس
٤٤	وقت العصارى
٤٧	الشمس رخت شعورها
٥٠	البادى أظلم
٥٢	النخل في العلالى
٥٤	الصبحية
٥٥	مصر أمنا
٥٨	وكانني عارفاه من زمان
٦٢	صابرين
٦٤	ليالي رمضان
٦٧	جربت تنزل دمعتك
٦٩	بسم الله
٧١	خلاص هونت عليك
٧٣	يا حبيبتي فين الايكي
٧٤	لما أقرب ناس ليك يطعنوك

وكأني عارفاه الشاعرة/ زينب مصطفى

٧٦	 ماشي كدا
٧٨	 بيع كلام
٨٠	 ناس خفافيش
٨٢	 علي ايه ناويلي
٨٤	 صورة حبيبي
٨٧	 يا ورد صبح
٨٩	 سكينة القلب
٩١	 كنت فاكركه
٩٤	 خبينى جوا قلبك
٩٦	 داوينى بحبك

